

Pānui Pāpāho

20 o Whiringa-ā-rangi 2019
Te Kōmihana Whakatau Rohe Pōti

****E RĀHUITIA ANA ATU KI TE 10.30AM Ā TE 20 O WHIRINGA-Ā-RANGI 2019****

Kua whakaputaina ngā rohenga pōti e marohitia ana

E marohitia ana e te Kōmihana Whakatau Rohe Pōti ngā whakarerekētanga ki te haurua o ngā rohe pōti o Aotearoa me te whakatū i tētahi rohe pōti hou i te tonga o Tāmaki Makaurau.

Kua whakaputaina e te Kōmihana tana pūrongo i tēnei rā mō ngā rohenga e marohitia ana me ngā ingoa o ngā rohe pōti mō ngā pōtitanga whānui e rua e whai ake. Ka taea e te iwi whānui te whakaputa i ō rātau whakaaro i mua i te whakataunga o ngā rohenga ā te Paengawhāwhā 2020.

"Ina taea kua puritia ngā rohenga onāianehei hei whakaiti i te rahinga o ngā tāngata ka whai pānga ki te whakarerekētanga o ngā rohenga pōti me ngā ingoa. O ngā rohe pōti 71 onāianehei, 36 ka mau tonu. E whakaata ana ngā whakatikatanga i ētahi atu rohe i ngā huringa ki te taupori mai i te tau 2014 i te arotakenga whakamutunga o ngā rohenga," te kī a te heamana o te Kōmihana Whakatau Rohe Pōti a Kaiwhakawā Craig Thompson.

Ko ngā wāhi huringa nui rawa kei te rohe o Tāmaki Makaurau, Ōtautahi, Ōtākou me Murihiku.

"I te rohe o Tāmaki Makaurau, ka piki te maha o ngā rohe pōti whānui mai i te 24 ki te 25. Ko te rohe pōti hou e marohitia ana ko Flat Bush. Ka whakauru mai i ētahi wāhi o ngā rohe pōti onāianehei o Hunua, Manurewa me Papakura," te kī a Kaiwhakawā Thompson.

"E hiahiatia ana ngā whakarerekētanga ki ngā rohenga i te takiwā o Ōtautahi nā te tino nui o te tipu o te taupori i Selwyn, ā, koinei te rohe pōti tere rawa te tipu i te Aotearoa katoa."

I Ōtākou me Murihiku, e hiahiatia ana ngā whakatikatanga ki ngā rohenga o ngā rohe pōti o Waitaki, Dunedin North, Dunedin South, Clutha-Southland me Invercargill.

E wātea anō ngā kōrero whānui ake mō ngā whakarerekē e marohitia ana i vote.nz, ā, kei roto anō i te pūrongo Ngā Rohe Pōti e Marohitia Ana 2019 e wātea ana i ngā whare pukapuka, ngā tari kaunihera, ngā tari o Te Kaitiaki Take Kōwhiri me ngā tari ā-rohe o Te Puni Kōkiri.

"E whakahau ana mātau i ngā tāngata kia āta tirohia ngā huringa me ngā pānga ki a rātau. Ka taea e te iwi whānui te tuku whakahē mō ngā rohenga me ngā ingoa e marohitia ana atu ki te 20 o Hakihea," te kī a Kaiwhakawā Thompson. He wā anō kua whakawāteahia mai mō te ātete i ngā whakahē mai i te 10 ki te 24 o Kohitātea, ā, ka tū ngā whakawātanga tūmatanui ā te Huitanguru.

Koinei ngā huringa matua kua marohitia e te Kōmihana Whakatau Rohe Pōti:

Ngā rohe pōti o Te Ika-a-Māui

- Kua tātuhia anō a **Rodney** kia uru atu ai a Dairy Flat me Coatesville, ā, kua tapaina ko **Whangaparāoa**
- Kua whakawhānuitia a **Helensville** ki roto o **Northland, Rodney** (ko **Whangaparāoa** ināianei), me **Upper Harbour**, ā, kua taka atu a Waitākere Ranges ki roto o **New Lynn**
- Nā te tipu o te taupori i **New Lynn** mai i te taha raki me whakarerekē a **Mt Roskill, Maungakiekie, Manukau East**, me **Manurewa**
- Ka hangaia a **Flat Bush** mā te tango mai i ngā taupori mai i ngā rohe pōti onāianei o **Hunua, Manurewa** me **Papakura**, ā, kei roto a Wattle Downs me Takanini i tēnei
- Ka tāpirihia te taupori mai i **Waikato** ki a **Hunua**, ā, kua tapaina ko **Port Waikato**. Ka whakarerekēhia anō ngā rohenga o **Waikato** ki a **Coromandel, Hamilton West** me **Taupō**
- Kua whakarerekēhia anō ngā rohenga o **Whangārei** me **Bay of Plenty**

Ngā rohe pōti o Te Waipounamu

- Kua nekehia a Brightwater mai i **Nelson** ki **West Coast-Tasman**
- Kua tātuhia anō a **Selwyn**, ā, kua kore a Horomaka i roto. Kua whakatikahia anō a **Ilam, Wigram, Port Hills** (kua tapaina ko **Banks Peninsula**), **Christchurch East** me **Rangitata**
- Kua uru atu te takiwā o Alexandra me Clyde ki roto o **Clutha-Southland** mai i **Waitaki**
- Kua nekehia te Otago Peninsula mai i **Dunedin South** ki **Dunedin North**, a, kua tāpirihia a South Otago ki **Dunedin South** mai i **Clutha-Southland**
- Kua tāpirihia a Winton me The Catlins ki **Invercargill** mai i **Clutha-Southland**.

Ngā rohe pōti Māori

- Ka whakaurua ki **Tāmaki Makaurau** tētahi wāhanga i te tonga o Te Atatū mai i **Te Tai Tokerau**, me tētahi wāhi o te rāwhiti o Manurewa mai i **Hauraki Waikato**
- He whakatikatanga iti noa ki a **Ikaroa-Rāwhiti** me **Te Tai Tonga** i Naenae.

Ngā ingoa o ngā rohe pōti

E whā ngā whakarerekētanga ki ngā ingoa rohe pōti e marohitia ana: Kua huria a **Rodney** ki a **Whangaparāoa**, a **Hunua** ki a **Port Waikato**, a **Rimutaka** ki a **Remutaka**, me **Port Hills** ki a **Banks Peninsula**.

Maha o ngā rohe pōti

Ka piki te maha o ngā rohe pōti mai i te 71 ki te 72. Kua whakapūmauhia te maha o ngā rohe pōti whānui o Te Waipounamu ki te 16, ka piki te maha o ngā rohe pōti i Te Ika-a-Māui mai i te 48 ki te 49, ā, ka noho tonu te maha o ngā rohe pōti Māori ki te whitu.

Tangata whakapā pāpāho: Clare Pasley, 027 551 7845, media@elections.govt.nz Ka taea te tuku mapi jpeg/png mō ia rohe pōti. Mō ētahi atu mōhiohio me ngā mapi ki te taumata tiriti, haere ki vote.nz